

Dragi prijatelji/ce,



Pred vama se nalazi **martovsko** izdanje mjesečnog informativnog biltena Omladinskog resursnog centra (ORC) Tuzla i Omladinske mreže Bosne i Hercegovine koja za sada broji **178** organizacija i **113** pojedinaca iz **74** mjesta BiH.

Bilten izlazi na bosanskom-srpskom-hrvatskom i engleskom jeziku. Sadrži kratak pregled aktivnosti ORC-a Tuzla, te informacije o mjesečnim aktivnostima omladinskih organizacija i grupa - članova Omladinske mreže Bosne i Hercegovine, njihove planove za naredni period, te sve

ostale korisne i zanimljive obavijesti kao što su pozivi donatora, pozivi na konferencije i seminare, školarine, stipendije, poslove i sl.).

Ukoliko želite da budete na mailing listi za naredna izdanja mjesečnog informativnog biltena ili ako imate pitanja ili sugestije, javite nam se. Mjesečni informativni bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

<http://www.omladina-bih.net>

**Uživajte u čitanju!!**

## SADRŽAJ

|  |       |           |
|--|-------|-----------|
| <b>Aktivnosti u martu 2015.</b>        | ..... | <b>2</b>  |
| <b>Planovi za april 2015.</b>          | ..... | <b>4</b>  |
| <b>Aktivnosti dijela članica mreže</b> | ..... | <b>6</b>  |
| <b>Informacije / donatori / pozivi</b> | ..... | <b>17</b> |

## AKTIVNOSTI ORC/ hCa U MARTU 2015.

### ✚ Prekogranična građanska mreža za mir, pomirenje i sigurnost ljudi na Balkanu

U sklopu projektnih aktivnosti u ovom regionalnom partnerskom projektu, Omladinski resursni centar (ORC) Tuzla nastavlja sa implementacijom aktivnosti. U pripremi je nova hronika, čija je tema „Bosna i Hercegovina i terorizam – uticaj i porast nasilja u Evropi i BiH na sigurnost“. Takođe, pripremamo i novo istraživanje. Više o ovim aktivnostima možete pročitati u našim narednim biltenima, kao i na: [www.omladina-bih.net](http://www.omladina-bih.net)



Projekat „Prekogranična građanska mreža za mir, pomirenje i sigurnost ljudi na Balkanu“ implementira Helsinški parlament građana Turska, zajedno sa partnerima: ADP ZID - Crna Gora, „SeConS“ - Srbija, Institut za regionalne i internacionalne studije - Bugarska, Centar za istraživanje, dokumentaciju i publikovanje - Priština, Kosovo, Omladinski resursni centar - Tuzla. Projekat podržava Evropska Unija.

### ✚ Trening „Javno zagovaranje“ Jahorina

U okviru TACSO BiH podrške inicijativama mreža, TACSO BiH u saradnji sa ORC-om Tuzla organizuje dvodnevni trening „Javno zagovaranje“ za omladinske organizacije članice Omladinske mreže BiH.

U okviru ove podrške TACSO BiH će također pružiti mentorsku podršku izradi konkretnih advocacy akcija učesnicima treninga. Trening će se održati na Jahorini - Hotel Termag u periodu od 29.-30. april 2015. godine.

Trening je namijenjen članovima Omladinske mreže BiH koji dolaze iz sljedećih gradova i mjesta: Banovići, Bosanska Krupa, Novi Grad, Breza, Čelinac, Doboj Istok, Jajce, Milići, Novi Travnik, Posušje, Rudo, Skelani, Stjepan Polje. Ukoliko ne bude dovoljan broj prijava iz ovih gradova, odabrati će se i učesnici iz manjih BiH mjesta. Tokom marta smo poslali poziv članovima Mreže iz ovih gradova, te radili na selekciji učesnika.

### ✚ OMLADINSKA GRUPA ORC TUZLA

#### ► Mediji i izvještavanje o problemima žrtava seksualnog nasilja počinjenog u oružanom sukobu

Događaj je organizovan 10.03.2015. godine na Burch Univerzitetu u Sarajevu. U pitanju je bio rad sa fokus grupom ljudi različite dobne skupine i medija kako bi ih se potaklo da malo više razmišljaju o ljudima koji su pretrpili nasilje u toku ratnih dešavanja koja su bila na području BiH.

Fokus grupi su puštene izjave žena i muškaraca koji su pretrpili seksualno nasilje. O ovom se zaista malo vodi diskusija i ovi ljudi su mnogo zapostavljeni, te čak nakon 20 godina imaju posljedice. Niko nije mogao ostati ravnodušan.

Događaju je prisustvovalo 20 mladih ljudi, psiholozi i mediji.



Cilj aktivnosti je bio da se potakne razmišljanje o žrtvama seksualnog nasilja i malo više daje pažnja kako u medijima tako i u stvarnom životu. Na ovom događaju učestvovala je članica OGORC **Lejla Zonić**.

### ► 7. Forum za zapošljavanje mladih – YEP

Sedmi Forum zapošljavanja mladih u BiH održan je 12.03.2015. godine. Tema i ujedno naziv foruma bile su „Garancije za mlade“ i razgovori o pitanju mladih u BiH. Na Forumu je održan jedan panel u vezi mehanizama za podršku integraciji na tržištu rada, kao i tome šta poslodavcu treba. Imali smo priliku da vidimo i razne modele iz prakse poput: prekvalifikacije, samozapošljavanja i socijalnog preduzetništva.

Razgovaralo se i o tome da li možemo napraviti nešto bolje u BiH za mlade, da li to trebaju biti efikasne prekvalifikacije i stručne prakse, da li treba veća podrška pri samozapošljavanju i sl.

Omladinsku grupu na Forumu predstavljali su **Lejla Zonić i Slobodan Blagovčanin**.



### ► MICROSOFT „Prilike za mlade i akademsku zajednicu“



Kompanija Microsoft je doputovala u Tuzlu 11. 03. 2015. da predstavi programe koji se nude za mlade i akademsku zajednicu. Događaj je organizovan u amfiteatru Ekonomskog fakulteta ispred više od 200 studenata i srednjoškolaca. Na početku prezentacije su se predstavili mladi aktivni ljudi iz Tuzle koji su dosta doprinijeli lokalnoj zajednici. Nakon aktivnih mladih ljudi, Microsoft je govorio o prilikama koje se mladima pružaju kako sa ovom kompanijom – tako i bilo gdje drugo ako se aktiviraju.

Izlagači na događaju su između ostalog bili i članovi naše grupe **Zlatko Bedžetović i Slobodan Blagovčanin**.

### ► Seminar „Saradnja roditelja i škole“

U prostorijama JU Zavoda za odgoj i obrazovanje osoba sa smetnjama u psihičkom i tjelesnom razvoju u Tuzli, dana 17. 03. 2015. godine održan je seminar na temu „Saradnja roditelja i škole“ u organizaciji Društva ujedinjenih građanskih akcija „Duga“. Metodom „Mape uma“ učesnici su prepoznali potrebe i utvrdili prioritete.

Neke od identifikovanih potreba se odnose na: pokretanje inicijative za izmjene i dopune Zakona o profesionalnoj rehabilitaciji i Zakona o zapošljavanju osoba sa invaliditetom, bolju administraciju, sniženje cijena autobuskih karata za roditelje i djecu s invaliditetom, povećanje dječijeg doplatka.



Seminaru je prisustvovala naša članica **Ermina Hadžikadunić**.

## ► Dijalog za budućnost

U Tuzli (Dom mladih) je 17.03. 2015. godine održana radionica u sklopu projekta „Dijalog za budućnost“. Projekat traje 18 mjeseci, a jedna od centralnih aktivnosti projekta jesu Forumi mladih koji čine dinamičnu omladinsku mrežu podijeljenu u četiri grada: Tuzla, Sarajevo, Banja Luka i Mostar, koju čini oko 120 mladih starosne dobi od 14 do 29 godina.

Učesnici Foruma su podjeljeni u tri tematske radionice: Ljudska prava, mir, i razvoj, Okoliš i Rodna pitanja i ranjive grupe

Članovi Omladinskog resursnog centra: Merita Sokoli, Lejla Zonić, Dijana Osmanović, Haris Selmanović i Adi Selman su zajedno sa 20 drugih mladih ljudi činili Forum koji se okupio u Tuzli.

Cilj projekta je stvaranje prostora za dijalog, koji će omogućiti proces izgradnje mira u cijeloj zemlji, promovirati suživot i međukulturalno razumijevanje putem obrazovanja i kulture, s naglaskom na mlade.



## ► Forum odgovornosti



Forum odgovornosti je aktivnost interaktivnog karaktera. Interaktivni način sudjelovanja podrazumijeva učešće svih strana, dakle i predstavnika vlasti i predstavnika građana. Organizator ove aktivnosti bio je **Bedžetović Zlatko**, a voditelj foruma **Haris Selmanović**, oba članovi Omladinske grupe ORC-a. Zainteresirani građani su postavljali pitanja te tražili odgovore na pitanja od predstavnika političkih stranaka.

Program je održan u Mjesnoj zajednici Brčanska Malta, u subotu 14.03.2015. godine sa početkom u 12:00 h. Fokus foruma je bila izmjena izbornog zakona uvođenje rokova i sankcija za formiranje

vlasti, forum je takođe podrazumijevao razgovor o nepoštivanju predizbornih obećanja.

## ► Dan srednjoškolaca II

24.03.2015. godine Mreža Vijeća učenika TK je organizovala Dan srednjoškolaca II. U sklopu ovoga dana organizovane su radionice na teme: aktivizma, stereotipa i predrasuda, fotografije, historije itd. Radionice su održane u 14 srednjih škola na području grada Tuzle. Svakoj radionici su prisustvovali po dva učenika iz jedne srednje škole.

Radionice pod nazivom „Aktivator“ u Srednjoj Rudarskoj školi vodili su omladinci Omladinske grupe Omladinskog resursnog centra **Sokoli Merita i Muharem Gaši**, a radionicu o stereotipima i predrasadama u Behram-Begovoj medresi vodio je **Slobodan Blagovčanin**.



Bitno je napomenuti da "Dan srednjoškolaca II", predstavlja projekat Mreže vijeća Tuzlanskog kantona, koja je stava da jedan dan u godini, tuzlanskim srednjoškolcima nije dovoljan kako bi predstavili svoje kvalitete, stekli nova znanja i vještine, te progovorili o svojim problemima i potrebama.

## ✚ „RESTART PEACE“, KOPAONIK SRBIJA

U periodu od 4-12. marta 2015. godine, u organizaciji Edukativnog Centra Kruševac (ECK) održavao se Međunarodni trening pod nazivom „Restart Peace“. Ovom treningu je prisustvovalo trideset mladih aktivista iz Bosne i Hercegovine, Srbije, Albanije, Bugarske, Makedonije, Crne Gore, Kipra, Turske, Grčke i Hrvatske. Cilj ovoga treninga je bio osnaživanje mladih i njihovo motivisanje za dalji rad sa mladima, kroz promovisanje mira i rješavanje konflikata između zemalja učesnicama treninga.



Učesnici treninga imali su priliku upoznati se sa problemima i kulturama drugih država, da rade na kreiranju zajedničkih projekata, upoznaju se sa metodama *Forum Teatra* i *Žive Biblioteke*. Jedan od najinteresantnijih dijelova ovoga treninga bila je *Živa biblioteka*, gdje su knjige bili diskriminirani ljudi koji su pričali istinite životne priče drugima. Predstavnica naše grupe je bila članica Omladinske grupe Omladinskog resursnog centra Tuzla **Sokoli Merita**.

## ✚ REDOVNE AKTIVNOSTI:

Tokom marta smo u sklopu naših redovnih aktivnosti radili na održavanju i razvoju komunikacija i koordinacije unutar Omladinske mreže Bosne i Hercegovine ([www.omladina-bih.net](http://www.omladina-bih.net)). U okviru toga smo svakodnevno na mejling listu mreže ([posta@omladina-bih.net](mailto:posta@omladina-bih.net)), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH (pozivi na radionice, seminare, konferencije, pozivi za projektne aplikacije, poslovi, školarine, ostale aktivnosti), održavali i redovno dopunjavali informacije na našoj web stranici [www.omladina-bih.net](http://www.omladina-bih.net), slali informacije koje smo dobili od omladinskih organizacija i pojedinaca iz mreže prema vani (međunarodnim organizacijama, organizacijama u regionu, donatorima), vršili korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH.

## PLANOVI HCA/ORC-A ZA APRIL 2015.

- Koorganizovanje treninga „Javno zagovaranje“. U okviru TACSO BiH podrške inicijativama mreža, TACSO BiH u saradnji sa ORC Tuzla organizuje dvodnevni trening za omladinske organizacije članice Omladinske mreže BiH.
- Sprovođenje redovnih aktivnosti kroz Omladinsku mrežu BiH.
- Pripreme za nastavak aktivnosti u okviru projekta „*Prekogračnične građanske mreže za mir, pomirenje i sigurnost ljudi na Balkanu*“.
- Pripreme za nastavak aktivnosti u okviru koraka 7 (STEP 7) ALF BiH.
- Realizacija projekta „*Date the state*“ Omladinske grupe Omladinskog resursnog centra u Tuzli.

**Više informacija na našoj web stranici: [www.omladina-bih.net](http://www.omladina-bih.net)**

## AKTIVNOSTI ČLANICA OMLADINSKE MREŽE BIH



**ERNADA AVDIBEGOVIĆ**, član Omladinske mreže, pojedinac  
**VIJEĆE MLADIH OPĆINE KLADANJ**  
E-mail: [erna\\_begovic20@yahoo.com](mailto:erna_begovic20@yahoo.com)

### ✚ KONCERTI

BZK „Preporod“ 28. februara je održao svoje tradicionalno veče sevdalinke i ilahija na kojem su pored kulturno umjetničkog društva "Preporod" učestvovali, horovi ilahija i kasida iz drugih gradova sa područja Tuzlanskog Kantona.

KUD Mladost početkom mjeseca marta održao je koncert na kojem su osim narodnih igara, pjesme i plesa nastupali i mladi amateri pjevači sa područja općine Kladanj. Koncert je imao humanitarni karakter.

### ✚ IZLOŽBA

Kao podrška ženskoj sedmici mira i solidarnosti koja se u BiH obilježava od 3. do 10. marta u Kladnju u restoranu „Metro“ postavljena je izložba pod nazivom: „Portreti mirotvorki“. Izložba hronološkim redom predstavlja žene dobitnice Nobelove nagrade za mir. Organizatorica ispred Omladinskog kruga Kladanj, Ernada Avdibegović istakla da je ovim željela podsjetiti društvo na doprinos žena u izgradnji mira i neophodnost angažiranja svih segmenata društva na izgradnju bolje budućnosti.



### ✚ „NO HATE“ SEMINAR ZA IMAME U MIZ KLADANJ



Dana 11.03.2015. u prostorijama MIZ Kladanj održan je seminar za sve imame koji djeluju na području općine Kladanj.

Seminar je bio o temi „Borba protiv govora mržnje“. Ernada Avdibegović, trener iz ove oblasti je govorila o „No Hate speech“ kampanji, načinima tretiranja i procesuiranja govora mržnje, te ulozila koalicije: „Supergradjani/ke“. Imami su se obavezali da će u svojim džematima pratiti ovu problematiku, informisati džemate, te suzbijati govor mržnje na odgovarajući način.

"No Hate Speech" kampanja je dio kampanje pokrenute od strane Vijeća Evrope 2012. koju sprovode brojne organizacije i aktivisti širom zemalja članica Vijeća Evrope. Kampanja je namijenjena suzbijanju svih oblika govora mržnje, sa posebnim osvrtom na govor mržnje koji se pojavljuje na društvenim mrežama.

Organizacije koje su okupljene oko koalicije: „Supergradjani/ke“ pozivaju sve kreatore društvene stvarnosti da daju svoj doprinos. Podršku organizaciji ovog seminara je dao novi glavni imam MIZ Kladanj Asim ef. Esmić.



## VIJEĆE MLADIH OPĆINE TOMISLAVGRAD

Letka b.b., 80 240 Tomislavgrad

Tel.: 034 356 440, fax: 034 356 444

E-mail: [vijecemladih.tg@gmail.com](mailto:vijecemladih.tg@gmail.com)

### ✚ Predstavници Vijeća mladih općine Tomislavgrad boravili u Mostaru na Erasmus plus Info danu

U organizaciji Povjerenstva za koordinaciju pitanja mladih pri Vijeću ministara BiH i Centra za razvoj mladih Proni Brčko, u Mostaru je, u OKC (Omladinski kulturni centar) Abrašević, 24.03.2015. godine, organiziran Erasmus plus info dan, radi informiranja mladih o mogućnostima programa Erasmus plus u području mladih. Ovom predstavljanju su nazočili i predstavnici Vijeća mladih općine Tomislavgrad.

Kroz interaktivni rad na info danima mladi su imali priliku upoznati se sa osnovnim komponentama programa, primjerima dobre prakse iz prethodnog programa, mogućnostima koje pruža kontaktna točka.



Ovo je ujedno bila prilika za upoznavanje sa radom Vijeća mladih iz Bosne i Hercegovine.

### ✚ ERASMUS+ - UKRATKO O PROGRAMU



Erasmus+ Novi program Europske unije za obrazovanje, osposobljavanje, mlade i šport za razdoblje 2014. – 2020. godine. Program Erasmus+ obuhvaća sve europske i međunarodne programe i inicijative Europske unije u području obrazovanja, osposobljavanja, mladih i športa.

Erasmus+ zamijenit će sedam postojećih programa: Program za cjeloživotno učenje (s njegovim potprogramima Erasmus, Leonardo da Vinci, Comenius i Grundtvig), Mladi na djelu te pet programa međunarodne suradnje (Erasmus Mundus, Tempus, Alfa, Edulink i program suradnje s industrijaliziranim državama i teritorijima).

Program po prvi put uvodi i podršku u području športa. Erasmus+ usmjeren je jačanju znanja i vještina te zapošljivosti europskih građana kao i unaprjeđenju obrazovanja, osposobljavanja te rada u području mladih i športa.

Više na: [www.vijecemladih-tg.com](http://www.vijecemladih-tg.com)



**OMLADINSKI CENTAR „JAJCE“**

**Varoš bb, 70 101 Jajce**

**Tel./fax: 030 654 027, 063 906 874**

**E-mail: [oc.jajce@gmail.com](mailto:oc.jajce@gmail.com), [oc.projekti@gmail.com](mailto:oc.projekti@gmail.com)**

**Web: [www.codjajce.com](http://www.codjajce.com)**

### **✚ EVROPSKI VOLONTERSKI SERVIS**

U.G. „Omladinski centar – Jajce“ već duži niz godina u svom radu ima aktivan međunarodni sektor. U okviru međunarodnog sektora, OC posjeduje akreditaciju Evropske komisije koja omogućava slanje i primanje volontera iz zemalja Evropske Unije (Njemačka, Poljska, Italija, Francuska, Belgija...).

EVS (Evropski volonterski servis) je prije bio u okviru programa Youth in action, a sada se nalazi unutar programa ERASMUS+. Više na linku:

<http://www.codjajce.com/index.php/hr/oc-projekti/volonterski-programi/evropski-volonterski-servis-evs>

Drugi volonterski servis preko kojeg OC prima volontere je Weltwaerts Program. To je program Njemačke vlade preko kojeg svake godine primimo jednog volontera na godinu dana. Više na linku:

<http://www.codjajce.com/index.php/hr/oc-projekti/volonterski-programi/weltwaerts-program>

Trenutno u OC-u imamo tri volontera, dva EVS volontera i jednog WW volontera. EVS volonterke dolaze iz Poljske i Francuske (Marlena Orłowska i Elodie Kenneybrew), dok nam preko WW iz Njemačke dolazi Tilman Haseloff. Oni trenutno rade na različitim projektima unutar OC-a.

Marlena radi u lokalnom časopisu SENZOR koji je projekat Omladinskog Centra ([www.senzor24info](http://www.senzor24info.com)). Elodie radi na projektu Omladinski turizam koji je također projekat Omladinskog centra – Jajce ([www.visitjajce.com](http://www.visitjajce.com)).

Tilman je asistent programskog dijela Omladinskog Centra gdje sa dosta uspjeha vodi kurs njemačkog jezika, dječije kreativne radionice, školu crtanja, kurs engleskog jezika za djecu...

Osim volonterskih servisa, Omladinski centar je aktivan na polju omladinskih razmjena (svake godine smo partneri u Omladinskim susretima u Magdeburgu gdje se na jednom mjestu okupi 40-tak mladih ljudi iz 4 zemlje), zatim partneri smo u Eurocamp-u, kao i u mnogim Workcamp-ovima.

Ukoliko ste zainteresovani da učestvujete u nekim od naših projekata, molimo kontaktirajte nas na:

**[oc.projekti@gmail.com](mailto:oc.projekti@gmail.com)**



Udruženje Centar za edukaciju, informisanje i afirmaciju mladih "INPUT"  
 Prvomajska b.b., 72 000 Zenica  
 Tel./fax: 061 766 532  
 E-mail: [input.ze@gmail.com](mailto:input.ze@gmail.com)  
 Web: [www.input.tech.ba](http://www.input.tech.ba)

### ✚ INPUT-ovci za 8. mart obradovali štićenice JU „Dom za stara lica“ Zenica

Povodom 8. marta članovi INPUT-a su posjetili JU „Dom za stara lica“ Zenica. Želja im je bila da štičenicama doma čestitaju i uljepšaju im dan žena. Mladi iz INPUT-a su uz prigodan muzički program obradovali štićenice doma uz razne žanrove muzike te im na taj način izmamili osmjeh na njihovim licima, i učinili da se osjećaju posebno.

Ovo je već treća godina kako mladi iz INPUT-a posjećuju Dom za stara lica koji su već postali prepoznatljiviji među štičenicima kao omladina koja ih uveseljava.



### ✚ GRAFIČKI DIZAJN

U subotu, 28. 03. 2015. održan je kurs – Grafički dizajn koji je namijenjen mladim ljudima (srednjoškolicima, studentima i nezaposlenim mladima) gdje su se polaznici upoznali sa: osnovnim principima grafičkog dizajna, korištenjem fontova i upotrebom boja, tehničkim parametrima štampe, programom Adobe Photoshop. Polaznici su stekli nova znanja. Pratite rad INPUT-a na:

<https://www.facebook.com/udruzenje.input?fref=ts> i web stranici [www.inputcentar.com](http://www.inputcentar.com)

Pripremamo još dosta edukacija, radionica i aktivnosti za Vas.






**HO „PARTNER“ BANJA LUKA**  
**Srđe Zlopogleđe 55, 78 000 Banjaluka**  
**Tel./fax: 051 250 730**  
**E-mail: partner@teol.net**  
**<http://www.ho-partner.rs.sr>**

### **Održana Prva konferencija žena sa invaliditetom ŽENE SA INVALIDITETOM U GLOBALNOM ŽENSKOM POKRETU U BIH**

Humanitarna organizacija „Partner“ uz podršku TASCO projekta u Bosni i Hercegovini – Inicijativama mreža, koalicija, saveza i platformi civilnog društva, je organizovala Prvu konferenciju žena sa invaliditetom „Žene sa invaliditetom u globalnom ženskom pokretu u Bosni i Hercegovini“, koja je održana 06.03.2015. godine, u Banjoj Luci.

Žene sa invaliditetom su u toku 2013. i 2014. godine održale dva Foruma na nivou BiH i na oba su konstatovale da se u odnosu na druge organizacije žena, udruženja žena sa invaliditetom još uvijek ne prihvataju dovoljno i ne uvažavaju kao ravnopravne i uglavnom ih tretiraju kao korisnice usluga udruženja žena. Stav koji i nesvjesno izražavaju druge organizacije žena je više milosrdan nego baziran na ljudskim pravima.



Kako bi uticali da se takva situacija promjeni i da i žene sa invaliditetom postanu ravnopravne članice ženskog pokreta Bosne i Hercegovine, bio je glavni razlog organizovanja konferencije. Učesnice konferencije bile su žene sa invaliditetom iz BiH, predstavnice organizacija za ženska ljudska prava i institucije BiH i njenih entiteta.



Osnovni ciljevi Konferencije su ukazivanje na pitanja dvostruke diskriminacije žena sa invaliditetom, na rodnoj osnovi i na osnovi invaliditeta, te podsticanje dijaloga i saradnje između ključnih aktera i nosilaca promjena: Mreže žena sa invaliditetom, Ženske mreže BiH, drugih ženskih organizacija, odgovornih institucija, gender centara i istaknutih aktivistkinja.

*„Ključne smo mi, ključno je naše djelovanje, ali i druge žene koje su već pokrenule razne akcije i koje su u prethodnom desetogodišnjem periodu ipak uspjele da se izbere za određene gender akcione planove, Zakone o ravnopravnosti polova, različite strategije i akcione planove za sprovođenje tih strategija. Važna je aktivnost i drugih žena, aktivistkinja iz drugih nevladinih organizacija. A svi zajedno trebali bismo vršiti pritisak na vladine organizacije, gender centre, Agenciju za ravnopravnost polova i resorna ministarstva“;* istakla je Vera Bošković, uvodničarka koja je predstavila dosadašnja nastojanja žena sa invaliditetom, da kroz radionice i forume, utiču na bolji položaj žena sa invaliditetom u Bosni i Hercegovini.



**UDRUŽENJE AKTIVNIH ŽENA "GENDER" Brčko distrikt BiH**

**Adresa: Mehmedagića 24, 76 100 Brčko Distrikt**

**Tel.: 065 908 457, fax: 049 217 695**

**E-mail: [genderbrcko@gmail.com](mailto:genderbrcko@gmail.com)**

**Web: [www.uazgenderbrcko.tk](http://www.uazgenderbrcko.tk)**

### **✚ МИРОВНА АКАДЕМИЈА ЗА МЛАДЕ ЖЕНЕ**

Наша волонтерка, Јованка Радовановић, дио је Мировне академије за младе жене у организацији и имплементацији пројекта фондације Kvinna till Kvinna који се финансира од стране шведске Поштанске лутрије.

Као учесница првог модула Мировне академије, Јованка је прошла основне концепте и теорије анализирања сукоба, рјешавање конфликта и изградњу мира, основне вјештине заговарања и преговарања. Заједно са младим женама са подручја цијеле БиХ, отворила је многа питања везана за изградњу мира те разматрала идеје за заједничку имплементацију малих пројеката који се тичу изградње мира.



Мировна академија за младе жене има за циљ оснаживање жена у области: управљања конфликтом и њихово рјешавање, лидерство, заговарање и комуникација. Академија се фокусира на јачање вјештина руковођења, рјешавања сукоба, заговарања и развијања комуникације код младих жена, те јачања њихове способности да утичу на креаторе политика на локалном и међународном нивоу како би се произвеле позитивне промјене. Академија нуди јединствен програм обуке за младе жене на Балкану и Кавказу који ће их оспособити да преузму активне улоге у својим заједницама. Поред тога, програм менторства унутар Академије обезбиједиће подршку и смјернице за одабране учеснице да имплементирају мале, новчано подржане пројекте.

Фондација Kvinna till Kvinna пружа подршку женама у конфликтним подручјима како би повећала моћ и утицај жена. Подржава више од 130 женских организација у њиховом раду на женским правима и изградњи мира. Сарађују са женским организацијама који су посвећене и страствене по питању женских права, сигурности и мира.

### **✚ ШКОЛА ЛГБТ ПРАВА**

Сарајевски отворени центар и Б.У.К.А. (Бањалучко Удружење Квир Активиста) организовали су школу ЛГБТ људских права у Сарајеву од 6. до 8. марта. Едукација је намијењена за студенте/ице и дипломиране правнике/це, за 15 полазника, међу којима је био и наш члан Ирфан Имамовић, дипл.правник.

Циљ ове едукације је да упозна будуће правнике са људским правима ЛГБТ особа користећи се језиком правне струке. Програм школе се састојао од теоријских предавања и практичних примјера кроз које су полазнике/ице увели међународни и домаћи експерти који се баве заштитом људских права. Неке од тема које су обухваћене овом едукацијом су: ЛГБТ терминологија; регионални и домаћи правни оквир заштите ЛГБТ људских права; дискриминација на основу сексуалне оријентације и родног идентитета; case-studies; кривично дјело почињено из мржње; говор мржње.



**H.O. Muslimansko dobrotvorno društvo - MERHAMET DOBOJ**  
**Kralja Aleksandra 17, 74 000 Doboj**  
**Tel./fax: 053 226 886**  
**E-mail: merhamet.doboj@cutuk.net**  
**Web: www.ngo.ba; www.facebook.com/Merhamet-Doboj**

#### ✚ **AKTIVNOSTI H.O. „MERHAMETA“ DOBOJ ZA MART 2015. GODINE**

- „VIOLETA“ d.o.o. Grude donirala H.O. „Merhametu“ Doboj dječije pelene i pelene za odrasle.
- Koalicija „Tolerantno i pozitivno iz Doboja“ čija je članica H.O. „Merhamet“ Doboj je odlučila da inicira sastanak sa relevantnim akterima u zajednici (policija, centar za socijalni rad, škole) da bi razmotrili problematiku nasilja/incidenata izazvanih mržnjom, koji se u posljednje vrijeme javljaju u Doboju, sa prepoznatljivim potpisom jedne od navijačkih grupa.
- Predsjednica „Merhameta“ Doboj, Avdić Faketa prisustvovala Javnoj debati „Značaj monitoringa i evaluacije antikorupcijskih politika i aktivnosti od strane civilnog društva“ koju je organizovala mreža „ACCOUNT“ i „CRCD“ BiH u Hotelu Integra u Doboju.



- Volonterke „Merhameta“ Doboj, Amra Mišić i Suzana Ristić prisustvovala Javnoj debati na temu; **„Zdravstvo - prioriteti u prevenciji i borbi protiv korupcije, sa posebnim osvrtom na mehanizme borbe i zaštite od korupcije“** koju je organizovao „CRCD“ BiH u Hotelu Integra u Doboju.



- Predsjednica „Merhameta“ Doboj, Avdić Faketa prisustvovala informativnom sastanku o načinu apliciranja i mogućnostima koje nudi Poziv za dodjelu bespovratnih novčanih sredstava za jačanje uloge žena u PRO-Budućnost zajednicama koji je održan u Gradskoj upravi grada Doboj - 26. 03. 2015. godine.
- Podjela humanitarne pomoći za članove „Merhameta“ Doboj.

**Svakodnevne aktivnosti „Merhamet-a“ Doboj tokom mjeseca marta obuhvatale su:**

- Praćenje javnih poziva za projekte,
- Pružanje informacija starim i bolesnim,
- Rad ambulante.



\*\*\*\*\*



**OMLADINSKO UDRUŽENJE NOVA VIZIJA**

Opara bb, 72 290 Novi Travnik

Tel./fax: 061 309 687, 061 593 773

E-mail: [ounovavizija@gmail.com](mailto:ounovavizija@gmail.com)

Facebook: <https://www.facebook.com/ounovavizija>

**✚ KRATIVNOST, HUMANOST I UČENJE OBIJELJILI MJESEC MART U NOVOJ VIZIJI**

Kreativni mladi vizionari i vizionarke obilježili su mjesec mart brojnim aktivnostima. Tokom mjeseca marta u Novom Travniku je organizovana akcija dobrovoljnog davanja krvi, te su se naši volonteri/ke odazvali ovom pozivu. Njih 12 sudjelovalo je u misiji humanosti, a za većinu je ovo bio prvi put da su sudjelovali u akciji.



Da su naši volonteri kreativni i odgovorni pokazalo je se i na zabavnoj radionici 9. Mart dan za Vizionarke kad je upriličeno jedno zanimljivo iznenađenje za sve naše volonterke. Preljepo druženje uz diskusiju o položaju žena u bh društvu, te izazovima s kojima se suočava savremena žena kroz zanimljive citate i poruke samo su dio atmosfere sa radionice. U toku mjeseca marta realizovana je i radionica na temu „Participacija mladih u lokalnoj zajednici“, te radionica o *tim bildingu*. Tokom mjeseca aprila slijede nove radionice i brojne aktivnosti kako kroz projekte tako i planirani mjesečni rad.



Po prvi put smo Novi Travnik uvrstili na interaktivnu mapu „Sat za planetu Zemlju“, te su se našem pozivu da u svom domu na jedan sat ugase svjetlo odazvali brojni članovi. Svakako mjesec mart bio je i prilika da neki od naših članova sudjeluju na edukacijama, seminarima i konferencijama, a Omladinsko udruženje Nova vizija postalo je i zvanični koordinator za „Let\*s do it“ akciju na području općine Novi Travnik.



Pred nama su novi zadaci i druženja te Vas pozivamo da nam se pridružite.



**OMLADINSKA ORGANIZACIJA "SVITAC"**  
 Jusufa Čampare bb, 76 100 Brčko Distrikt  
 Tel./Fax: 049 211 032  
 Email: [svitac@teol.net](mailto:svitac@teol.net)  
 Web: [www.svitac.org](http://www.svitac.org)  
 FB: [www.facebook.com/omladinska.svitac](http://www.facebook.com/omladinska.svitac)

## ✚ KREATIVNE RADIONICE

Neformalno obrazovanje i učenje kroz igru, kao i socijalizacija je važan dio kreativnih radionica. Omladinska organizacija Svitac je u martu napravila novi raspored, sve aktivnosti se održavaju svakodnevno. Učesnici su podijeljeni u dvije grupe, uzrast 4-7 godina, svakim danom od 11:00-13:00, a uzrast 8+ od 13:00-15:30 časova. Ovaj mjesec mala grupa je radila brojeve od 1-10, boje na semaforu, razne kolaže, prepoznavanje boja, čitanje priča, slušanje, a nakon toga mala diskusija, odgovarajuća za uzrast. Poslepodnevna grupa je radila gusjenice na kolaž papiru, crtanje ekoloških kuća, takođe dva puta sedmično osnove engleskog jezika kroz razne kolaže i postere. Radionice se održavaju u Omladinskom centru Brčko distrikta. Koordinator radionica je Sanja Radovanović uz asistenciju EVS i Weltwaerts međunarodnih volontera Tamare Wonner i Nicolasa Zduna iz Njemačke, te Johna Streatfileda iz Velike Britanije. Trenutno ima 45 učesnika.



## ✚ JEZIČKE RADIONICE

Kursevi engleskog i njemačkog jezika su nastavljeni u martu. 30 studenata trenutno pohađa ove kurseve i podijeljeni su u tri grupe (Početni 1, Početni 2 za djecu i odrasle i Srednji 1 za djecu). Svaka grupa ima dva časa sedmično u trajanju od sat i po, a časovi se održavaju u prostorijama Omladinske organizacije Svitac i Omladinskom centru Brčko distrikta. Starost studenata je od 8 do 35 godina.

### ► Radionica engleskog jezika „I love English”

Učesnici su na interaktivnim radionicama nastavili sa diskusijama na 4 do 6 teme koje bi zadao koordinator, te bi na taj način vježbali izgovor i neformalnu konverzaciju. Koordinator radionica je EVS međunarodni volonter iz Velike Britanije, John Streatfield. Radionice se održavaju ponedjeljom i srijedom u terminu od 19:00-20:00 u Omladinskom centru Brčko distrikta. Trenutno ima 20 učesnika, uzrasta 15+.

### ► ŠTA IMA?! ( SPRECHEN-THEMEN- ARGUMENTIEREN) - Radionice njemačkog jezika

Interaktivne radionice su rado posjećene i veoma dobro isplanirane, i za one koji zaista žele nešto da nauče od velike su koristi. Trenutno ima 20 polaznika, uzrasta 18+. Radionice se održavaju u Omladinskom centru, ponedjeljom i srijedom od 20:00-21:00 časova. Koordinator radionica su međunarodni volonteri iz Njemačke Nicolas Zdun i Tamara Wonner.



### ✚ 14. - 22. MART - SEMNICA PROTIV RASIZMA

Omladinska organizacija Svitac je 19. i 20. marta organizovala kreativne i muzičke radionice povodom obilježavanja sedmice protiv rasizma pod nazivom „One world – one love“. Radionice su pripremili i realizovali EVS, weltwarts i lokalni volonteri Stephanie Burland, Tamara Wonner, Nicolas Zdun, John Streatfield, Sanja Radovanović i Adin Midžić. Radionicama je prisustvovalo 15 učesnika, različite etničke pripadnosti, uzrasta 9-12 godina.

Prije početka radionica volonteri su učesnicima objasnili zašto se ovaj događaj obilježava svake godine u svijetu i ohrabili djecu da kažu svoje mišljenje o ovoj temi tako što će aktivno učestvovati u diskusiji.

19. marta su održane kreativne radionice na kojima su učesnici, uz pomoć i podršku lokalnih i međunarodnih volontera, napravili sopstvene muzičke intrumente (šejkere) od recikliranih plastičnih flaša koje su dekorisali koristeći kolaž papir, perje i ukrasne trake.



Ovi instrumenti su bili važni za drugi dio projekta - muzičke radionice koje su se održale 20. marta.

EVS volonter, John Streatfield, je napisao tekst na engleskom za pjesmu "People are people" ('Ljudi su ljudi') tako da su na prvom dijelu muzičkih radionica, učesnici učili riječi pjesme, njihovo značenje i vježbali izgovor sa lokalnim volonterima. Na kraju radionice učesnici su sjeli u krug i izveli ovu pjesmu na engleskom jeziku, koristeći šejkere koje su napravili na kreativnim radionicama dan ranije. EVS volonter, Joh Streatfield je pjevao sa učesnicima dok ih je lokalni volonter, Adin Midžić pratio na gitari.

Na kraju radionica svi učesnici su zajedno napravili pano u boji na kojem su se nalazili otisci njihovih ruku. Na ovaj način su željeli pokazati da su svi ljudi jednaki; bez obzira na boju i veličinu - svi oblici ruku su isti.



## **✚ SPORTSKE RADIONICE**

Sportske radionice se od marta, po novom rasporedu, održavaju svaki dan u Omladinskom centru Brčko distrikta. Broj učesnika varira i do 40, uzrasta 6+. Neke od aktivnosti su „Između dvije vatre“, „Graničara“, odbojka, zaleđi se itd. Učesnici, posebno dječaci, ali i djevojčice su oduševljeni sportskim radionicama, tako da se uvijek nađe dodatna zabava sa loptom ili jednostavno uživanje u timskim igrama. Koordinator sportskih radionica je Nicolas Zdun, međunarodni volonter iz Njemačke.

## **✚ MUZIČKE RADIONICE**

### **► Radionice gitare**

Učesnici radionice gitare su uvijek bavili eitde, kraće pjesme i minijature pripremljene za svakog učesnika zasebno kao i na duetima iz doba renesanse .

### **► Radionice sambe**

Ovaj mjesec, osim čitanja i interpretiranja kraćih ritmičkih notnih zapisa, značajan dio vremena posvećen je razvijanju sluha te stvaranju sopstvenih kompozicija.

### **► Hip-Hop radionice**

Učesnici hip-hop radionice završavali su pisanje tekstova i počeli raditi u parovima na komponovanju muzike na napisane tekstove.

**Za april se planira nastavak svih redovnih radionica Omladinske organizacije Svitac.**

## INFORMACIJE / DONATORI / POZIVI

### 1. ALIJANSA GRADOVA, POZIV ZA PROJEKTE 2015, CATALYTIC FOND

Savez Gradova poziva prijedloge koji promiču inovacije i katalitičke utjecaje na poticanje transformacijske promjene u gradovima, za 2015. teme su "Migracije i Inkluzivni grad". Kroz ovaj poziv, Savez gradova traži inovativnost u odgovorima politike i praktične pristupe koji povećavaju prostornu, socijalnu i ekonomsku uključenost šireći migrantima prava na grad: pristup zemljištu, usluge, mogućnosti. Ciljevi su - jačanje i promicanje uloge gradova u smanjenju siromaštva i održivi razvoj; jačanje sinergije među članovima i partnerima i poboljšanje kvalitete urbanog razvoja suradnje i kreditiranja.

Savez Gradova je globalno partnerstvo za smanjenje siromaštva i promicanje gradova u održivom razvoju. To je partnerstvo sa bilateralnim i multilateralnim razvojnim agencijama, vladama, nevladinim organizacijama i političkim čelnicima međunarodne udruge lokalnih vlasti.

Zahtjev za Grant može biti između \$ 50.000 i \$ 200.000. Savez Gradova će pokriti do 80 posto od ukupnih novčanih zahtjeva za projekt. Preostali iznos mora biti priložen u gotovini od strane organizacije primatelja, pokrovitelja organizacije i / ili drugim partnerima i izvorima, kandidati moraju dostaviti dokaz o sufinanciranju.

#### Područja Fokusa

1. Život: imigranti i pristup osnovnim urbanim uslugama, sredstva za život i socijalnu zaštitu
2. Rad: pristup, integracija i uloga imigranata na tržištu rada gradske i lokalne ekonomije
3. Spojivost: Socijalna integracija i uključivanje imigranata u gradu
4. Sudjelovanje: uključivanje imigranata u prostorno planiranje i u lokalne procese odlučivanja

#### Kriteriji

- Predloženi projekti moraju zadovoljiti ciljeve odabranih tema i katalitičkog fonda.
- Prijedlozi se mogu usredotočiti na međunarodnoj i / ili unutarnjoj migraciji, ali svi prijedlozi trebaju pokazati jasnu pozornost na pitanje ravnopravnosti spolova.
- Predloženi projekti moraju biti sponzorirani od strane najmanje jedne članice alijanse gradova, više sponzora se ohrabruje. (Sponzorstvo (a) mora biti osigurano prije podnošenja prijedloga projekta).

#### Postupak primjene

1. Skinite koncept notu Saveza gradova.
2. Ispunite sažetak na jednom od sljedećih jezika - engleski, francuski ili španjolski.
3. Pričvrstite sve tražene dokumente u predlošku sažetka.
4. Poslati sažetak i ostalu dokumentaciju putem e-maila do krajnjeg roka.

**Rok za prijave je 8. maj 2015.**

Više informacija na:

<http://www.mreza-mira.net/16143-cities-alliance-calls-proposals-for-2015-catalytic-fund/#sthash.yo4DQkCj.dpuf>

## 2. NIWANO FONDACIJA ZA MIR POZIV ZA 2015. GODINU - PRVI KRUG GRANTOVA

Niwano Fondacija za mir prihvata prijedloge za 2015. Godinu. Prvi grant ciklus počinje od 15. marta 2015. za dvije različite kategorije - Socijalna aktivnost na osnovu vjerskog duha, i Grass-roots aktivnosti raspoređene u lokalnoj zajednici.

Fondacija promovise međureligijsko razumijevanje i saradnju. Također nastoji ojačati saradnju među ljudima. Ukupno 10.000.000 ¥ će biti dodijeljeno za grantove u 2015. Maksimalni iznos za aktivnost jeste 1.000.000 ¥. Iznosi su za pokrivanje aktivnosti tokom jedne godine, a izrađeni su u jednom paušalnom iznosu. Aplikacije će se primati dva puta u godini, uspješne aplikacije će izabirati odbor krajem juna i krajem septembra 2015. U skladu s tim, stipendije će trajati jednu godinu od 1. jula 2015. ili od 1. januara 2016.

### Kategorije

1. **Društvene aktivnosti koji se baziraju na religijskom duhu:** Aktivnosti za dobrostanje i mir pojedinaca i zajednica, u fizičkom i duhovnom smislu, bazirano na religijskom duhu koji potiče iz vjere u boga, bude, ili nekog drugog univerzalnog duhovnog bića. U biti, mirovne aktivnosti koje su vezane za edukaciju, volonterski posao, razvoj saradnje, zaštitu okoliša, ljudska prava i društvene probleme društva koje je sve starije u duhu religijske tolerancije koja prevazilazi religijske granice.
2. **Grass-roots aktivnosti u lokalnoj zajednici:** Aktivnosti oživljavanja lokalnih zajednica kroz interdisciplinarnu radionice i sastanci sa naglaskom na saradnji grupa i pojedinaca iz različitih organizacija i religijskih grupa. Očekuje se da lokalne zajednice samostalno osmisle neke nove vrijednosti.

### Kriteriji podobnosti

- Podnosilac zahtjeva može biti pojedinac ili organizacija.
- Nacionalnost nije kriterij za podobnost.
- Svaka grupa koja je bila koja postoji već neko određeno vrijeme i koja je registrovana može aplicirati.

### Postupak primjene

- Pošaljite Niwano Mirovnoj fondaciji zahtjev za aplikacijsku formu - uključujući ime, adresu, zanimanje (ime organizacije ili instituta), telefon i fax broj, e-mail adresu.
- Pošaljite popunjenu aplikacijsku formu putem regularne pošte na poštansku adresu Niwano Mirovne fondacije, molimo vas da provjerite da li je sve popunjeno. Ne dodajte ništa što u formi nije traženo. Aplikacije putem e-maila, faxes ili koje se lično dostave se neće uzeti u razmatranje.

Za više informacija, molimo posjetite [Niwano Call 2015](#)

**Rok: 30. april 2015.**

Više informacija:

<http://www.fundsforgos.org/latest-funds-for-ngos/niwano-peace-foundation-accepting-applications-for-2015-first-grant-cycle/>

### 3. ZAJEDNIČKI POZIV ZA MEĐUNARODNE SARADNIČKE PROJEKTE U DUNAVSKOJ REGIJI 2015 ZA SUFINANCIRANJE PROJEKATA SREDSTVIMA IZ PROGRAMA EUREKA

**Vrsta natječaja:** Bespovratna sredstva

**Države:** Hrvatska, Srbija, BiH, Crna Gora

**Tema/sektor:** Poduzetništvo

**Datum otvaranja natječaja:** 09.03.2015.

**Rok za prijavu:** 30.04.2015.

**Iznosi sredstava €:** 197.368

**Prijavitelji:** Mala i srednja poduzeća

**EUREKA** je program kojim se potiču mala i srednja poduzeća na suradnju sa međunarodnim partnerima u pokretanju istraživačko-razvojnih aktivnosti.

**Ciljevi programa su:**

- Potaknuti tvrtke na ulaganje u aktivnosti istraživanja i razvoja te na taj način jačati njihov inovacijski kapacitet
- Potaknuti međunarodnu suradnju poduzetnika i znanstveno istraživačkih organizacija
- Stvoriti temelje za međunarodni tržišni plasman

**Osnovni kriteriji** za projekte i konzorcije:

- Konzorcij treba sadržavati najmanje dva nepovezana poduzeća koja žele provesti suradnički projekt iz najmanje dvije zemlje koje sudjeluju u pozivu,
- Predloženi projekti bi trebali biti istraživačko-razvojnog karaktera s ciljem stvaranja novog, inovativnog proizvoda, usluge ili procesa,
- Projekt može biti iz bilo kojeg sektorskog ili tehnološkog područja,
- Projekt mora imati civilnu primjenu,
- Projekt mora biti uravnotežen (jedan partner ne smije snositi više od 75% projektnih troškova),
- Predloženo trajanje projektnih aktivnosti je između 12 i 36 mjeseci.

Dodatni partneri iz EUREKA zemalja ili trećih zemalja izvan dunavske regije mogu sudjelovati u projektom konzorciju uz uvjet da su osigurali financiranje svojeg projektnog udjela.

Kroz Program će se financirati sljedeće **grupe troškova**:

- razvojne bruto plaće,
- razvojna oprema i sitni inventar,
- troškovi razvojnih usluga,
- razvojni troškovi putovanja,
- ostali razvojni troškovi.

Ukupan iznos raspoloživih bespovratnih sredstava je **1.500.000 kuna**. Najviši iznos mogućih dodijeljenih bespovratnih sredstava je 150.000 eura. Stopa sufinanciranja iznosi do 50% od ukupno prihvatljivih troškova projekta. Trajanje projekata je ograničeno na maksimalno **36 mjeseci**.

Ukoliko su vam potrebne konzultantske usluge za ovaj natječaj javite se na [info@eu-projekti.com](mailto:info@eu-projekti.com)

## 4. NED DONACIJE NEVLADINIM ORGANIZACIJAMA UNAPREĐENJE I JAČANJE DEMOKRATSKE INSTITUCIJE

The National Endowment for Democracy (NED) poziva građanske organizacije, udruženja, nezavisne medije, i druge slične nevladine organizacije širom svijeta da se prijave za grant sredstava u 2015. godini. NED godišnje finansira stotine projekata organizacija koje rade za unapređenje demokratskih ciljeva i jačanje demokratskih institucija. Fondacija daje više od 1000 donacija godišnje NVO promociji demokratije u više od 90 zemalja. Odluke o finansiranju se donose na kvartalnoj osnovi od strane NED Upravnog odbora. Grant iznosi variraju ovisno o veličini i obimu projekata, prosječan grant traje 12 mjeseci, iznos je oko 50.000 \$.

### Regije:

1. Afrika
2. Azija
3. Srednja i Istočna Evropa
4. Evroazija
5. Latinska Amerika i Karibi
6. Srednji Istok i Sjeverna Afrika

### Fokus područja:

- Promovisanje i odbrana ljudskih prava kao i vladavine prava
- Podrška slobodi informacija i nezavisnih medija
- Jačanje demokratskih ideja i vrijednosti
- Promovisanje odgovornosti i transparentnosti
- Jačanje civilnog društva
- Jačanje demokratskih političkih procesa i institucija
- Registracija građanskog obrazovanja
- Podrška demokratskom rješavanju sukoba
- Promovisanje slobode udruživanja
- Jačanje široke tržišne ekonomije

### Kriteriji podobnosti

- Kandidati mogu biti građanske organizacije, udruženja, nezavisni mediji, i druge slične nevladine organizacije.
- Organizacija aplikant treba raditi u različitim okruženjima, uključujući novoosnovane demokratije, polu-autoritarnu zemlju, vrlo represivnim društvima i zemljama koje prolaze kroz demokratske tranzicije.
- Pojedinci, vladina tijela, ili državne institucije kao što su javni univerziteti nisu prihvatljivi za fond.

### Postupak primjene

- Aplikacija se može izvršiti putem online sistema aplikacije, e-maila ili poštom do isteka roka.
- Kompletni aplikacijski materijali uključuju - prijedlog, narativni prijedlog, privremene procjene, prijedlog budžeta i registraciju dokumenata (po potrebi).
- Neregistrovane organizacije trebaju jasno objasniti zbog čega nisu registrovani, ili ukoliko proces registracije je u toku

**Rok: 19. jun 2015.** Za više informacija o ovom grantu, posjetite [PRIJAVLJIVANJE](#) za NED.

**Izvor:** <http://www.fundsfornegos.org/latest-funds-for-ngos/ned-grants-to-ngos-advancing-strengthening-democratic-institutions/>

## 5. JAVNI POZIV ZA PRIJAVU POSLOVNIH IDEJA MLADIH

### JAVNI POZIV

za prijavu poslovnih ideja mladih i učestvovanje na treningu za izradu biznis plana

Pozivamo mlade sa područja opština Srebrenica, Bratunac, Milići, Vlasenica i Zvornik, starosti od 18-35 godina da učestvuju u I ciklusu treninga za izradu poslovnog plana, uz savjetodavnu podršku Poslovnog savjetovaništa Udruženja „Prijatelji Srebrenice“ izrade biznis plan i procjene svoju poslovnu ideju. Polaznici treninga imaju priliku da predstavljaju svoje poslovne ideje na IV regionalnom Sajmu poslovnih ideja koji će se održati 28. maja u Srebrenici.

Za poslovne ideje predstavljene na Sajmu obezbjeđena su grant i beskamatna kreditna sredstva do tri godine, kao i nagrade.

**Krajnji rok za prijave poslovnih ideja je 17. april**

Više informacija na: <http://www.mreza-mira.net/16388-javni-poziv-za-prijavu-poslovnih-ideja-mladih/#sthash.TuwWwgF2.dpuf>

Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

**Rok za dostavljanje informacija za svako naredno izdanje je 30.-ti u mjesecu.**

WEB Stranica Mreže:

sCh design

Webmaster:

Emir Delalić-Zeko -  
Tuzla

[emir.delalic@gmail.com](mailto:emir.delalic@gmail.com)

web: [www.omladina-bih.net](http://www.omladina-bih.net)

mejling lista Mreže:

[posta@omladina-bih.net](mailto:posta@omladina-bih.net)

Adrese za slanje vaših informacija za mjesečni bilten:

[hcatuzla@bih.net.ba](mailto:hcatuzla@bih.net.ba); [orctuzla@bih.net.ba](mailto:orctuzla@bih.net.ba)

fax: 035 258 077

Omladinski resursni centar Tuzla

Hadži Bakirbega Tuzlića 1,  
75000 Tuzla

tel / fax: 035 258 077

e-mail: [orctuzla@bih.net.ba](mailto:orctuzla@bih.net.ba)

[hcatuzla@bih.net.ba](mailto:hcatuzla@bih.net.ba)

**Mjesečni bilten uređuje Omladinski resursni centar - ORC Tuzla**